



九〇四四



二張詩序



夫詩者所以賦情宣志匡主和民雅頌奏於廟廷歌謠採於閭巷其關於世教非細也自周室衰微詩理寢息靡曼之音大熾於時諷刺之風遂爾湮沒屈平遭讒被放心著離騷宋玉痛惜其師從而倡和其氣格高麗思致清遠後之詞人鮮能及焉春秋道降秦漢迭興深觚抽思不者

時賁馬頓以于西京班張陳於漢世
王獨步於建安潘陸馳聲於晉代清言孤
了金石麗什炳乎雲霞斯固一世之雄也
六朝以還詞多哀怨巧裁宮體不出衽席
之間掇拾春華思止閨門之內唐平隋亂
四海一家收榷楠之材羅珪璋之寶故江
左英靈中原竒俊咸負瓊瑤悉集王國玄
宗御極銳志聲詩稍厭雕鑄注意雄渾廟

堂鱗聚人握靈虵之珠朝著鸚鵡聯家抱荆
山之玉開元之詩為一世冠弗可尚已惟
時洛陽張燕公嶺南張曲江應昌期之運
鍾嵩嶽之靈虎變成文鳳鳴中律咸登台
擢功業恢弘唐興以來朝佐莫比燕公又
在諸生之中已有雲霓之望內講六經外
凝庶績圖議封禪豈明典章中為茲八非
擯幾於不免既謫嶽州而詩益凄人謂

其得江山之助不其然乎曲上道侔伊呂
蚤擢高第史稱其七歲能屬文其文如輕
縑素練實濟時用羽扇之賦忠義藹然秋
燕之詩智能遠害天下恃以為安是二公
之詩發平雅之思協聲氣之元殆道德之
精華性情之極致也若夫王楊為詞人之
伯而不免亡身李杜為詩家之宗而流落
不偶罔克見合明時致身卿相良足悲夫

今之巖穴之士學優調美而擯棄下位取
逸於丘園之中放情於江湖之上脫畧當
世長揖公卿豈非命耶予聞登高能賦則
可以為大夫每苦志詞林而拘於時義竟
不能從事於斯徒切高山之仰耳予弟榜
頗好文詞景慕先哲暇日出其二集付之
梓人予為序諸簡旨以俟後之稱述者焉
嘉靖甲寅仲冬朔日新安雲陵黃極序

張燕公詩集卷第一

雲

歛雲嵩黃榜校

賦

長樂郡
振聲書
請字

喜雨賦

玉函
延壽

叟臣啓先王之冊府校絕瑞於祥經樂雲雨之
平施齊品物之流形帝皇益重而爲寶麟鳳自
輕而讓靈况愆時而渴望欲意達而神聽是月
也朱明漸半紫油未吐恐降灾兮此下人罄虔
祈兮我神主退象龍之禮禱斤持鷺之貌舞屏
翳慙其廢祀融悔其遷怒天泱漭而出雲地

霧電而下雨速一言雨感應克二日而周溥氣
翳靄以黔黓聲颼灑以蕭條璀如銀漢之屑落
璨似珠泉之噴澆街鄺漫其潢潦旱壤萎其綠
苗舒四溟之清潤卷六合之煩囂咸澡骨於神
液共歡心於聖朝借如五月有梅雨之名三春
有穀雨之氣越人以泥牛待沃胡士賣土龍求
費出員嶠以石香入成都之酒味彼徧方以小
節非大人之所貴復有送山祗於鬱島迎海若
於葛川疾雷碎其山裂走電燁其海燃天子作
愁霖之賦詞人綴苦雨之篇墻屋於倒井黍稷

流於下田乃凶浸之不令曷休徵之有焉請言
瑞雨之可喜也協氣交泰嘉生是賴湛覃而不
溺衍溢而不害東漸出日之表西被無雷之外
南竄火鼠之譯北盡燭龍之會天文則雲漢昭
回王澤則江河滂沛雖欲譚天而窺管孰知堯
德之爲大

進白鳥賦

咨大鈞之播氣在品物而流形有莫黑之九族
亦變白而效靈感上仁於孝道合中瑞於祥經
若夫事出神妙理包舒卷賦集玉屋飛隨帝輦

捧日高翥迎風細轉識句句於召呼每啞啞於
啄吮以其雪羽霜毛冰精玉狀拔奇綠林之下
賞異紫臺之上瞰鳩鵲之紗窓抱鳳凰之衣桁
恐同類之見嫉畏不才之速謗願悉命於渥恩
豈顧私於閑放維聖君之靈囿物何遠而不臻
有能言而可重或善舞而取珍羞陋軀而入獻
與寶羽而爲鄰探朝噪之聲樂眷夜啼之曲新
無芒距以耀武不觜鈎以懷仁謝先容而特達
却假飾以全真鑒深心於反哺移報德於君親

虛室賦

明月窓前古樹簷邊無比堂之尊酒絕南鄰之
管絃理涉虛趣心階靜綠室惟生白文則思玄
厭百慮之勞止歸一途之兀然嗟乎巧知首亂
禮學增矯名起異端利成貪兆役二見之交戰
驅五神而雜擾形何費而不衰性何煩而不夭
每竭源而追未必忘多而獲少玉帳瓊宮圖侈
務豐朱門金穴恃滿矜隆榮與辱而俱盛事隨
憂而不窮陷營爲之桎梏留健羨之池籠心元
是幻法本皆空莫不因無證實假異生同魚何
知而樂水蛇何意而憐風大哉默識守此玄通

顧瞻天下還如夢中

江上愁必賦寄趙子

江上之峻山兮鬱嶷而不極雲爲峰兮煙爲色
歛變態兮心不識江上之深林兮杳冥蒙而不
已鳥爲花兮猿爲子紛盪漾兮言莫擬夏雲陰
兮若山秋水平兮若天冬沙飛兮浙浙春草靡
兮芊芊感四節之默運知造化之潛遷伴衆鳥
離夢於哀絃是心也非模放之所建將有言兮
是然將無言兮是然

畏途賦

青泥路白馬關雲足躡霞手攀忠臣往兮孝子
還陟羊腸臨鳥道博絕岸援蔓草懸梁婀娜以
樹接虛閣窮崇而煙抱風雨滄汨兮崩泉而險
湍圖畫詭屈兮紅峯而碧巖林黝黝而人靜山
峩峩而地寒客有夢兮在城闕背芳萱兮心不
歇憫秋草之墜露弔窮崖之飛月聞哀猿之一
鳴憂人宿昔兮生白髮

五言古詩

奉和聖製賜諸州刺史應制

文明遍禹迹鰥寡達堯心正在親人守能令王
澤深朝廷多秀士鎔鍊北精金犀節同分命熊
軒各外臨聖主賦新詩穆若聽薰琴先言教爲
本次言則是欽三時農不奪午夜犬無侵願使
天宇內品物遂浮沉寄情群飛鶴千里一揚音
共躡華胥夢龔黃安足尋

奉和聖製送宇文融安輯戶口應制

至德臨天下勞情遍九圍念茲人去本蓬轉將
何依外避征成數內傷親黨稀嗟不逢明盛胡
能照隱微栢臺簡行李蘭殿錫朝衣別曲動秋
風恩令生春輝使出四海安詔下萬心歸忤非
夔龍佐徒歌鴻鴈飛

奉和聖製過晉陽宮應制

太原俗尚武高皇初奮庸星軒三晉躔土樂二
堯封北風遂舉鵬西河亦上龍至德起王業繼
明賴人雍六合啓昌期再興廣聖蹤傳呼大駕
來文物如雲從連營火百里縱觀人千重翠華
渡汾樓白日臨罕峯粉榆恩賞洽桑梓舊情恭
往運感不追清時惜難逢詩發尊祖心頌刊盛
德容願君及春事廻輿緩萬邦

奉和聖製行次成臯應制

夏氏階隨亂自言河朔雄王師進穀水兵氣臨
山東前掃成臯陣却下洛陽宮義合帝圖起滅
加大宇同軒臺百年外虞典一巡中戰罷思王
業倚馬賦神功

奉和聖製溫湯對雪應制

瑞雪帶寒風寒風入陰館陰館方凝閉寒風復
淒斷宮似瑤林布庭如月華滿正歎挾纊詞非
逸溫湯暖

奉和聖製義成校獵喜雪應制

文教資武功郊畋閱邦政不知仁育久徒看禽
獸盛夜霰氛埃滅朝日山川靜綽仗飛走繁抨
絃筋角勁帝射叅神道龍馳合人性五犯連一
發百中皆先命勇爵均萬夫雄圖羅七聖星爲
吉符老雪作豐年慶喜聽行獵詩威神入軍令
清明日詔宴寧王山池賦得飛字

今日清明宴佳境惜芳菲搖揚花雜下嬌轉鶯
亂飛綠渚傳歌榜虹橋度舞圻和風偏應律細
雨不霑衣承恩如改火春去春來歸

四月十三日詔宴寧王亭子賦得好字

何許承恩宴山亭風日好綠嫩鳴鶴洲陰穠闔
雞道果思夏來茂花嬾春去早行樂無限時皇
情及芳草

藥園宴武洛沙將軍賦得洛字

東第乘餘興南園宴清洛文學引鄒枚歌鍾陳
微霍風高大夫樹露下將軍藥待聞出塞還丹
青上麟閣

脩書院學士奉勅宴梁王宅賦得樹字

虎殿成鴻業猿巖題鳳賦既荷大君恩還蒙小
山遇秋吹迎絃管涼雲生竹樹共惜朱邱歡無

辭洛城暮

夕宴房王簿舍 并序

旅聽清館崇扃嚴鑰巖雲暗山微月白夜悄
群動之俱息感孤鴻之遠音有美房公霞海
其量友我以絲竹好我以罇俎舒蘊結之雅
懷豁幽曠之陳意滿堂既醉因賦是詩

歲晏關雍空風急河渭水薄遊羈物役微尚愜
遠憑旅館月宿永閉扃雲思興伊人美脩夜朋
酒惠來稱交談既清雅琴吹亦淒疑不逢君蹇
涸幽意長鬱蒸

行從方秀川與劉評事文同宿

方秀美盤遊頻年降天罕水共伊川接山將闕
門斷捧日照恩萃攀雲引疲散野宿霜入帳孤
衾寒不暖靜聞官漏踈卧視庭月滿開燭命温
酌中夜發清管風送關山長氣適星歲短寓言
情意愜適與真意坦寰中病羈卦方外嫵縱誕
願君樂盛時無嗟帶襄緩

送郭大夫再使吐蕃

犬戎癘東獻漢使馳西極長策問酋渠猜阻自
夷殛容髮徂邊歲旌裘弊海色五年一見家妻

子不相識武庫兵猶動金方事未息遠圖待才
智苦節輸筋力脫刀贈分手書帶加飡食知君
萬里侯立功在異域

送李侍郎迥秀薛長史季昶同賦得水字

漢郡接朝廷幽并對烽壘旌旗按部曲文武惟
卿士薛公善籌畫李相威邊鄙中冀分兩河長
安各萬里藉馬黃花塞蒐兵白狼水勝敵在安
人爲君汗青史

別平一師

王子不事俗高駕杳難追茅土非屑盼傾城無

樂資宴坐深林中三世同一時皎皎獨往心不
爲塵網欺竭來已復去今去何來思迴首謝同
行勤會安請期

送王光庭

同居洛陽陌經日嬾相求及爾江湖去念別悵
悠悠楚雲眇羈翼海月倦行舟愛而不可見徒
嗟芳歲流

新都南亭送郭元振盧崇道

行徑女蘿蹊蓮洲文石隄靜深人俗斷尋玩桂
還迷碧潭秀初月素林驚夕棲褰幌納蟾影理

琴聽猿啼佳辰改宿昔勝寄坐睽携長懷賞心
愛如王復如珪

南中別王陵成崇

握手與君別岐路贈一言曹卿禮公子楚媼饋
王孫倏爾生六翮翻飛戾九門常懷客鳥意會
答主人恩

贈崔公

我聞西漢日四老南山幽長歌紫芝秀高卧白
雲浮朝野光應絕榛蕪年貌秋一朝驅匹馬連
轡入龍樓昔遁高皇去今從太子遊行藏惟聖

節福禍在人謀卒能匡惠帝豈不賴留侯事隨
年代遠名與圖籍留平生欽淳德慷慨景前脩
蟬蛤伺陰兔蛟龍望斗牛無嗟異飛伏同氣幸
相求

贈趙公

湘東股肱守心與帝鄉期舟楫中途蹇風波復
來思嘉我常聯翼金貂侍玉墀迹叅前馬聖黃帝
遇牧馬童子名綴驚熊師寒暑一何速山川遠
稱天師而退間之寧知洞庭上獨得平生時精意微絕簡從
權討妙棊林壑爲予請紛靄發萃滋流賞忽已

散驚帆杳難追送君在南浦

投此詞

贈趙侍御

祿放跡異端偏荒事同蹇苟忘風波累俱會雲
壑踐險式壓西湖僑廬對南峴夜樓江月入朝
幌山雲卷山勢遠濤連江途斜漢轉坐嘯予多
暇行吟子獨善並轡躡郊郭方舟玩遊演虛聲
萬籟分水色千里辨不知岸陰謝再見春露泫
綠壤發欣顏萃年助蟲篆上世時難接古人情
可選泊渚煩爲媒多才怨成福長沙鵬作賦任
道知淺請從三巴心榮辱兩都遣

翻著葛巾呈趙尹

昔日接離倒今我葛巾翻宿酒何時醒形骸不
復存忽聞有嘉客躡步出閑門桃花春徑滿誤
識武陵源

酌崔光祿冬日述懷贈荅

并序

太極殿衆君子分司洛城自春涉秋日有遊
討既而常公出守茲樂便廢頃因公讌方接
詠言崔光祿述志論文首貽雅唱諸公嘉德
叙事咸有報章若夫盛時榮位萃景勝會此
四者古難一遇而我輩比實兼之至於精言

探道妙識發義戲謔而逢規戒指諷而見師
表益過三友豈易得乎謂膏澤傍潤芝蘭久
襲常公近之矣以文會友以友輔仁崔公近
之矣其餘尋聲響答望形影赴故亦峻碧池
之漣漪增瑤林之沃若是用綴集勒成一卷
永存几閣之翫無忘歡好之時焉

徐陳嘗並作枚馬亦同時各負當朝譽俱承明
主私夫君邁前侶觀國騁奇姿山似鳴威鳳泉
如出寶龜才雄子雲筆學廣仲舒帷紫綬拂三
寺朱門臨九逵昔我含香日連爾縉雲司朝攜

蘭省步夕退竹林期中路一分手數載來何遲
求友還相得群英復在茲留臺少人務方駕迺
尋追涉翫懷同賞露芳憶共持迎賓南澗飲載
妓東郊嬉春郊綠畝秀秋澗白雲滋名畫披人
物良書討滯疑興來光不惜歡往跡如遺歲晏
罷行樂層城間所思夜魂燈處馱朝髮鏡前衰
忽在崔駟什兼流常孟詞曲高彌寡和王善代
爲師齋戒觀萃玉留連歎色絲終慙起予者何
足與言詩

荅李伯桐竹

結廬桐竹下室邇人相深接垣分竹徑隔戶共
桐陰落花朝滿岬明月夜披林竹有龍鳴管桐
留鳳舞琴音聲與高節非吾誰賞心

和張監遊終南

宿懷終南意及此語雲峯夜間竹澗靜曉望林
嶺重春烟生古石時鳥戲幽松豈無山中賞但
畏心莫從

出湖寄趙冬曦二首

西泛平湖盡叅差入斷山東瞻岳陽郡汗漫太
虛間窘步同行樂道文互屢看山戍上雲桂江

亭臨水間

川途倏忽間風景依如昨湘浦未賜環荆門猶
主諾何時與美人載酒游宛洛

寄姚司馬

共君春種瓜本期清夏暑瓜成人已去失望將
誰語裛露摘香園感味懷心許偶逢西風便因
之寄鄂渚

代書荅姜七崔九

婀娜金閨樹離披野田草雖殊兩地榮幸共三
春好花殊鳥飛處葉鏤虫行道真心獨感人惆

悵令人老

代書寄吉十

一鴈雪上飛值我衡陽道口啣離別字遠寄當
歸草目想春來遲心驚寒去早憶鄉乘羽翮慕
侶盈懷抱零落荅故人將隨江樹老

代書寄薛四

孤鴈東飛來寄我紋與素紋足經三象素當綜
群務遠見故人心一言重千金荅之綵毛翰繼
以瑤華音歲寒衆木改松栢心常在

過蜀道山

我行春三月山中百花開披林入峭嶺攀蹬陟
崔嵬白雲半峯起清江出峽來誰知高深意緬
邈心幽哉

再使蜀道

眇眇葭萌道蒼蒼褒斜谷煙壑爭晦深雲山共
重複古來風塵子同眩望鄉目芸閣有儒生輶
車倦馳逐青春客岷嶺白露搖江服歲月鎮羈
孤山川長反覆魚遊戀深水鳥遊戀喬木如何
別親愛坐去文章國蟋蟀鳴戶庭蕭蛸網琴筑

江路憶郡

霧歛江早明星翻漢將沒卧聞峽猿響起視檣
人發倚棹攀岸篠憑船弄波月水宿厭洲渚晨
光屢揮忽林澤來不窮煙波去無歇結思笙竽
里遙情遊俠窘年貌不暫留歡愉及玄髮雲捐
戀山海禽馬懷燕越自非行没人安知慕城闕

過漢南城歎古墳

舊國多陵墓荒涼無歲年洵勇蔽平崗汨若波
濤連上世千金子潜卧九重泉松柏剪無餘碑
記城罔傳葬於不毛地咸謂楚先賢事盡情可
識使人心悵然

至尉氏

夕次阮公臺嘯歌臨爽塏高名安足賴故物今
皆改吾兄昔茲邑遺愛稱賢宰桑中雉未飛屋
上烏猶在途逢舊昨吏城有同寮案遠見咸相
迎拂館來頃待慈惠留千室友于存四海始知
魯衛間優劣相懸倍

襄州景空寺題融上人蘭若

高名出漢陰禪閣跨香岑衆山皆圍繞長川復
迴臨雲峯曉空變風木夜虛吟碧甃龍池滿蒼
松虎徑深舊知青巖憶偏入杳冥心何由侶飛

錫從此脫朝簪

巡邊在河北作

撫劍空餘勇寧弧遂無力老去事如何據安長
歎息故交索將盡後進稀相識獨憐半死心尚
有寒松直

入海二首

乘桴入南海海曠不可臨茫茫失方面混沌如
凝陰雲山相出沒天地互浮沉萬里無涯際云
何其廣深潮波自盈縮安得會虛心
海上三神山逍遙集衆仙靈心豈不同變化無

常全龍伯如人類一釣兩鰲懸金臺此淪沒玉
真時播遷問子勞何事江上泣經年隰中生紅
草所羨非羨然

相州山池作

嘗懷謝公詠山水陶嘉月及此年事衰徒看衆
花發觀魚樂何在聽鳥情都歇星漢流不停蓬
萊去難越鄴中秋麥香淇上春雲沒日見塵物
空如何靜心闕

岳州作

夜夢雲闕門從容簪履列朝遊洞庭上緬望京
萃絕潦收江未清火退山更熱重欹視欲醉慵
蒲氣如噎噐留魚鱉腥衣點蚊蚋血髮白思益
壯心玄用彌拙冠劍日苔蘚琴書坐廢撤唯有
報恩字刻意長不滅

岳州行郡竹籬

山郡不溝郭荒居無翳壅愛人忠主利善守閉
爲勇苟非小勤率安得其逸寵板築恐土踈
城嫌役重藩柵聊可固筠篁近易奉差池截浦
沙繚遶綠隈壠蠹似長雲亘森如高戟聳預絕
貌狼憂知免牛羊恐閭里寬矯步榛藂咨踏踵

始果遊處心終日成閑拱

遊洞庭湖湘

緬邈洞庭岫蒼蒙水霧色宛在太湖中可望不
可卽剖竹守窮渚開門對奇域城池自繫籠纓
綬爲徽纏靡日不思往經時始願克飛棹越溟
波維舟恣攀陟窈窕入雲步崎嶇倚松息巖壇
有鶴過壁字無人識滴石香乳溜垂崖靈草植
玩幽輕霧阻討異忘曛逼寒沙際水平霜樹籠
煙直空宮聞莫覩地道窺難測此處學金丹何
人生羽翼誰傳九光要幾拜三仙識紫氣徒想

像清潭長耿默覓裳若有來覩我雲峯側

澠湖山寺

楚老游山寺提携觀畫壁楊袂指辟支睦眄相
聞閱險哉透撞兒百金賭一擲成敗身自受傍
人那歎息

早霽南樓

山水佳新霽南樓翫初旭夜來枝半紅雨後洲
全綠四運相終始萬形紛代續適臨青草湖再
變黃鶯曲地穴穿東武江流下西蜀歌聞枉渚
遭舞見長沙促心阻
神和生自足白髮

悲上春知常謝先欲

石門墨山二山相連有禪堂觀天下絕境
茵輪江上山近在華容縣常涉巴丘首天晴遙
可見佳遊屢前諾芳月愆幽眷及此符守移歡
言臨道便既携賞心客復有送行掾竹徑入陰
宵松蘿上空蒨草共林一色雲與峯萬變探窺
石門斷緣越沙澗轉兩山勢爭雄峯巘相顧眄
藥妙靈仙寶境萃巖壑選清都西淵絕金地東
敞宴池果接園畦風煙邈臺殿高尋去石頂曠
覽天宇遍千山紛滿目百川對面騎來雲氣

迎人去鳥聲驚長揖桃源士舉世同仙羨

遊龍山靜勝寺

每上襄陽樓遥望雲山樹鬱弗吐崗嶺微蒙在
煙霧下車歲已成飾馬間餘步苦霜衰野草愛
日陽江煦雲對石上塔風吹松下路禪室宴三
空人詞同六趣兒童共戲謔猿鳥相驚顧南識
桓公臺北望先賢墓世上人何在時聞心不住
唯傳無盡燈可使有情悟

一柱觀

舊說江陵觀初疑神化來空山結雲閣綺靡隨

風迴柰何任一柱斯焉容衆材奇功非長世今
徐草露臺

登九里臺是樊姬墓

楚國所以伯樊姬有力焉不懷沈尹祿誰諳叔
敖賢萬化茫無在孤墳獨歸然北分陽臺陌南
識郢城阡漠漠渚宮樹蒼蒼雲夢田登高形勝
出訪古令名傳自我來符守因君樹蕙荃詩書
將變俗締纊忽彌天志闡三折后愁值二毛前
佇立帝京路遙心寄此篇

懷王墓

伊嘍不可信似此敗懷王客死堯關路迤葬岐
江陽啼狔抱山月飢狐獵野霜一聞懷沙事千
載盡悲涼

岳州九日宴道觀西閣

搖落長年歎蹉跎遠宦心北風嘶代馬南浦宿
陽禽佳此黃花酌酣餘白首吟涼雲霾楚望濛
雨蔽荆岑登眺思清景誰將眷濁陰釣歌出江
霧樵唱入山林魚看嘉名採木爲美材侵留爲
洞庭觀望古意何深大道由中悟逍遙匪外尋
叅佐多君子詞華妙賞音

聞雨

多雨絕塵事寥寥入太玄城陰踈復公簷滴斷
還連念我勞造化從來五十年悟將心徇物近
得還自然閑居草木侍虛室鬼神憐有時進美
酒有時泛清絃聲真不世識心醉豈言詮

夜坐

懷哉四壁時未有五都價百金誰見許斗酒難
爲貫落花生芳春孤月皎清夜復逢利交客題
戶遙相謝

山夜聽鍾

夜卧聞夜鍾夜靜山更響霜風吹寒月竚篠虛
中上前聲既春容後聲復是盪聽之如可見尋
之定無像信知本際空徒掛坐滅想

冬日見牧牛人擔青草歸

塞上綿應折江南草可結欲持梅嶺花遠競榆
關雪日月無他照山川頓何別苟齊兩地心天
問將何說

詠鏡

寶鏡如明月出自秦宮樣隱起雙盤龍銜珠儼
相向常恐君不察匣中委清量積翳掩菱花虛

心蔽塵狀儻蒙羅袖拂光生玉臺上

雜詩四首

抱薰心恒焦舉旆心恒搖天長地自久歡樂能
幾朝君看西陵樹歌舞爲誰嬌

山閑苦積雨木落悲時遽賞心几幾人良辰在
何處觸石蒲堂侈灑我終夕慮客鳥懷主人銜
花未能去剖珠貴分明琢玉思堅貞要君意如
此終始莫相輕

問子青霞意何事留朱軒自言心遠俗未始迹
辭喧過蒙良時幸側息吏途煩簪纓非宿好文
史棄前言夕卧北窓下夢歸南山園白雲慙幽
谷清風愧泉源十年茲賞廢佳期今復存掛冠
謝朝侶星駕別君門

默念群疑起玄通百慮清初心滅陽艷復見湛
虛明悟滅心非盡求虛見後生應將無住法修
到不成名

詠瓢

美酒酌懸瓢真淳好相映蝸房卷墮首鶴頸抽
長柄雅色素而黃虚心輕且勁豈無雕刻者貴
此成天性

蜀路二首

雲埃夜澄廓山日曉晴鮮葉落蒼江岸鴻飛白露天磷磷含水石幕幕覆林煙客心久無緒秋風殊未然

淫蜀時未改別家鄉念盈憶昨出門日春風發鮮榮及茲旋轉地秋風蒲路生昏曉思魏闕夢寐還秦京秦京開朱第魏闕垂紫纓幽獨玄虛閣不聞人馬聲藝業爲君重名位爲君輕玉琴知調古寶鏡照膽清鷹飢常啄腥鳳飢亦待瓊於君自有屬物外豈能輕

五君詠五首

齊公生人表向天聞鶴唳清輪早揣摩玄心晚超詣入相廟廊靜出軍沙漠霽見深呂祿憂舉後陳平計甘心除君惡足以報先帝

許公信國楨克美具瞻情百事資朝問三章廣世程處高心不有臨節自爲名朱戶傳新戟青松拱舊塋淒涼丞相府餘慶在玄成

李公實神敏才華乃天授睦親何用心處貴不忘舊故事尊臺閣新詩貫宇宙在人忠所奉惡我誠將宥南浦去莫歸嗟嗟茂孫秀

代公舉鵬翼懸飛磨海霧志康天地屯適與雲
雷遇興喪一言決安危萬心注大勳書王府窄
命淪江路勢傾北夏門哀靡東平樹
耿公山岳秀才傑心亦妙鷲鳥峻標立良玉扣
清調協贊休明啓思華日月照何意瑤臺雲風
吹落江徼湘流下潯陽灑淚一投弔

七言古詩

奉和聖製初入秦川路寒食應制

上陽柳色換春歸臨渭桃花拂水飛總爲朝廷
巡幸去頓教京洛少光輝昨從分陝山南口馳

道依依漸花柳入關正投寒食前還京遂落清
明後路上天心重豫游御前恩賜特風流便慕
那能鏤雞子行宮善巧帖毛裘渭橋南渡花如
樸麥隴青青斷人口漢家行樹直新豐秦地驪
山抱温谷香池春溜 平預歡浴日照京城
今歲隨宜過寒食明年倍宴作清明

城南亭作

珂馬朝歸連萬石稍門洞啓親迎客北堂珍重
琥珀酒庭前列肆茱萸席長袖遲迴意緒多清
商緩轉自騰波舊傳比翼侯家舞新出將雛主

第歌漢家絳灌餘兵氣晉代浮虛安足貴正逢
天下金鏡清偏加日飲醇醪意

莫畏不芳非會待城南春色至竟將花
柳拂羅衣

送武員外郎中春赴秀師嵩山塔下舍利
懷玉泉戀仁者寂滅真心不可見空留影塔嵩
巖下寶玉四海轉千輪金曇百粉送分身山中
二月娑羅會虛唄遙遙愁思人我念過去微塵
劫與子禪門同正法雖在神仙蘭省間常持清
淨蓮花葉來亦好去亦好了觀車行馬不移當

見苦提離煩惱

送尹補闕元凱琴歌

鳳哉鳳哉啄琅玕飲遙池棲崑崙之山共中國
有聖人感氣飛來飛來自歌自舞先生冊府麒麟
之臺羈雌衆雛故山曲其鳴喈喈其鳴喈喈
欲往銜之歟去來去別鸞鳳心徘徊明年阿閣
梧桐花葉開群飛鳳歸來群飛歸來

同趙侍御乾湖作

江南湖水咽山川春江溢入共湖連氣色紛綸
橫暈海波濤鼓怒上漫天鱗宗殼族嬉爲府弋

叟眾師利焉聚歌帆側施弄風 赴險臨深繞
灣浦一灣一浦悵遭廻千曲千差恍迷共乍見
靈妃含笑往復聞游女怨歌來暑來寒往運涸
湫潭生水落移陵谷雲間墜翮散泥沙波上浮
查棲樹木昨暮飛霜下北津今朝行鴈度南濱
處處溝 清源竭年年舊葦白頭薪天地盈虛
尚難保人間倚伏何須道秋月晶晶汎澄瀾冬
景青青步織草念君宿昔觀物變安得踟躕不
衰老

巡邊在河北作

去年六月西河西今年六月北河北沙場磧路
何爲爾重氣輕生知許國人生在世能幾時壯
年征戰髮如絲會待安邊報明主作頌封山也
未遲

鄴都引一首

君不見魏武草創爭天祿群雄睚眦相馳逐書
攜壯士破堅陣夜接詞人賦葦屋都邑繚繞西
山陽桑榆汗漫漳河曲城郭爲墟人代改但見
西園明月在鄴傍高塚多貴臣娥眉曼睩共灰
塵試上銅臺歌舞處唯有秋風愁殺人

安樂郡王花燭行

青宮朱邸翊皇闈玉葉瓊蕤際紫微姬妾本來
舅甥國卜筮俱道鳳凰飛星昴殷冬獻吉日天
桃穠李遙相匹鸞車風傳王子來龍樓月殿天
孫出平臺火樹連上陽紫炬紅輪十二行丹爐
飛鐵馳炎焰炎霞爍電吐明光綠屏糾幘紛如
霧節鼓清笳前啓路城隅靡靡稍東還橋上鱗
鱗轉南渡五方觀者聚中京四合塵煙漲洛城
商女香車珠結網天人寶馬玉繁纓百壺淥酒
千斤肉大道連延陣錦軸先祝聖人壽萬年復

禱宜家承百祿珊瑚刻盤青玉樽因之假道入
梁園梁園山竹凝雲漢仰望高樓在天半翠幕
蘭堂蘇合薰珠簾掛戶水波紋別起芙蓉織成
帳金縷鴛鴦兩相向蜀茵飾地承瑤履花燭分
階移錦帳織女西垂隱燭臺雙童連縷合歡杯
藹藹綺庭嬪從列峨峨紅粉扇中開黃金兩印
雙花綬富貴婚姻古無有清歌棠棣美玉姬流
化邦人正夫婦

離會曲

何處送客洛橋頭洛水汎汎中行舟可憐河樹

葉菱蕤關關河鳥聲相思街鼓喧喧日將夕去
棹歸軒兩相迫何人送客故人情故人今夜何
處客

時樂鳥篇 并序

伏見天恩以靈異鸚鵡及能延京所述篇出
示朝列臣按南海異物志有時樂鳥鳴云太
平天下有道則見驗其圖丹首紅臆朱冠綠
翼鶯領文背糝以五色今此鳥本南海貢來
與鸚鵡狀同而毛尾全異其心聰性辨護主
報恩固非凡禽實瑞經所謂樂時鳥延京雖

叙其事未正其名望編國史以彰聖瑞臣竊

同延京獻詩一首

舊傳南海出靈禽時樂名聞不可尋形貌乍同
鸚鵡類精神別稟鳳凰心千年待聖方輕舉萬
里呈才無伴侶紅茸糝繡好毛衣清冷謳鳴好
言語內人試取御衣牽啄手暝聲不許前心願
侍宴隆慶池應制

靈池月浦直城隄散帳天臨御路開東沼初陽
疑吐出南山曉翠若浮來魚龍百戲分容與鳧
鷁雙舟較沂泗願似金堤青草馥長承瑤水白

雲杯

奉和聖製春日幸望春宮應制

別館芳菲上苑東
飛花澹淡御筵紅
城臨渭水天河靜
闕對南山雨露通
繞殿流鶯凡幾樹
當蹊亂蝶許多叢
春園既醉心和樂
共識皇恩造化同

先天應令

三陽麗景早芳辰
四序嘉園物候新
梅花百般障路垂
柳千條暗迴津
鳥驚真爲飛風葉
魚躍都由怯岸人
唯願聖主南山壽
何愁不賞萬

年春

奉和聖製春日出苑應制

禁林艷裔發春陽
春望逍遙出畫堂
雨洗亭臯千畝綠
風吹梅李一園香
鶴飛不去隨青管
魚躍翻來入彩航
睿賞歡承天保定
道文更覩日重光

扈從溫泉宮獻詩

溫泉啓蟄氣氛氲
渭浦歸鴻日數群
騎仗聯聯歌起大風

奉和聖製登驪山駕眺應制

洞府寒山曲天遊日盱迴披雲看石鏡拂殿上
金臺竹徑龍驂下松庭鶴轡來雙童還獻藥五
色耀仙材

奉和聖製送金城公主應制

青海和親日潢星出降時戎王子壻寵漢國舅
家慈春野開離讌雲天起別詞空彈馬上曲詎
減鳳樓悲

同劉晃喜雨

節變寒初盡時和氣已春繁雲先合寸膏雨自
依旬颯颯飛平野霏霏靜暗塵懸知花葉意朝

夕望中新

奉和聖製同劉晃喜雨應制

春氣合春雨知從岱嶽來行雲避師出灑雨待
車迴厭浥塵清道空濛柳映臺最宜三五夜晴
月九重開

奉和聖製觀拔河俗戲應制

今歲好拖鈎橫街敞御樓長繩繫日任貫索挽
河流鬪力頻催鼓爭都更上籌春來百種戲天
意在宜秋

奉和聖製過寧王宅應制

進酒忘憂觀簫韶喜降臨帝堯敦族禮王季友
兄心竹苑龍鳴笛梧宮鳳遶林大風將小雅一
字直千金

奉和聖製同玉真公主過大歌山池題石
壁應制

綠竹初成苑丹砂欲化金乘龍與驂鳳歌吹滿
山林爽氣凝情迥寒光映浦深忘憂題此觀爲
樂賞同心

奉和聖製賜王公千秋鏡應制

寶鏡頒神節凝規馮聖情千秋題作字長綬帶

爲名月向天邊下花從日裏生不承懸象意誰
辨照心明

奉和聖製途次陝州應制

周郡嘗分陝詩書空復傳何知萬乘睠追賞二
南篇郡帶洪河側宮臨大道邊洛城將日近佳
氣滿山川

奉和聖製經鄒魯祭孔子應制

孔聖家鄒魯儒風藹典墳龍驂迴舊宅鳳德詠
餘芬入室人如在升堂樂似聞懸知一王法今
日待明君

奉和聖製野次喜雪應制

寒更玉漏催曉色御前開
泱泱雲陰積氤氳風
雪迴山如銀作甕宮見壁成臺
欲驗豐年象飄
搖仙藻來

奉和聖製溫泉言志應制

溫泉媚新豐驪山橫半空
湯池薰水殿翠木暖
煙宮起疾逾仙藥無和合
聖功始知堯舜德心
與萬人同

羽林恩召御書王大尉碑

隴首名公石來承聖札
歸魚龍生意態鈎劔動

鉅輝字得神明保詞慙少女徽
誰家羽林將又
逐鳳書飛

東都醮宴五首 并序

先天元祀孟冬十月東都留守
常公夤奉聖
朝述宣嘉旨乃合洛京之五省
招河尹之二
縣將吏咸集佩章有序鏘鏘濟濟
侃侃閭閻
供張於典教之門式醮宴也原失樂
生於心
非因結風之奏和達於氣無待陽春
之節蓋
澤之所及也深則情之所感者遠
國家天地
一統君臣百年朝榮舊德之序野
賴先疇之

業玄化漸漬洪恩既久太上功德不宰夏后
命子之初皇帝孝理無爲漢祖事親之日生
堯舜於天屬見文武於同時前古未逢斯人
何幸是日六樂振作萬舞苒弱鳥獸徘徊士
女踴躍則知衆庶觀德之所樂也旨酒絡繹
大庖燔炙芳溢風煙醉流阡陌又知衣冠之
所適也由近而視遠萬國之慶皆然自明而
察幽三靈之欣可接若夫吟詠德澤播越人
聲斯固雅頌之餘波政教之遺美凡我詞客
安敢闕如賦詩展事垂列于後

堯舜傳天下同心致太平吾君內舉聖遠合至
公情錫命承丕業崇親享大名二天資廣運兩
曜益齊明道暢昆蟲樂恩深朽蠹榮皇輿入西
幸留鎮在東京合宴千官入分曹百戲呈樂來
嫌景遽酒著迓寒輕喜氣連雲閣歡呼動洛城
人間知幾代今日見河清

重華昇寶曆軒帝眇閒居政成天子孝俗返上
皇初忘味因觀樂歡心寄合醑自憐疲馬意戀
戀主恩餘

朱城塵暄滅翠幕景情開震震靈鼉起翔翔雲

舞來雕盤裝草樹綺乘結樓臺共喜光華日
歌捧玉杯

曉月調金鼓朝暎對玉盤爭馳群鳥散闔伎百
花團遇聖人知幸承恩物自歡洛橋將舉燭醉
舞拂歸鞍

愜宴惟今席餘歡殊未窮入雲歌嫋嫋向日妓
叢叢駛管催酣興留關待曲終長安若爲樂應
與萬方同

晦日詔宴永穆公主亭子賦得留字

堂邑山林美朝恩晦日遊園亭含淑氣竹樹繞

春流舞席千花騎歌船五彩樓群歡與王澤歲
歲滿皇州

鳳樓尋勝地

西掖持醇酒東山就白雲開軒綠池映命席紫
蘭芬舞度花爲伴鶯來管作群太平多樂事春
物共氛氲

皇帝降誕日集賢殿賜宴

仰秋金帝起五日土行昭瑞表壬寅露光傳甲
子宵陰風吹大澤夢日照昌朝不獨萃封老千
年喜祝堯

恩制賜食於麗正殿書院宴賦得林字
東壁圖書府西園翰墨林誦詩聞國政講易見
天心位竊和美重恩叨醉酒深緩歌春興曲情
竭爲知音

幽州夜飲

涼風吹夜雨蕭瑟動寒林正有高堂宴能忘遲
暮心軍中宜劍舞塞上重笳音不作邊城將誰
知恩遇深

崔禮部園亭

窈窕留清館虛徐步晚陰水連伊闕近樹接夏

陽深柳蔓憐垂拂藤稍愛上尋訝君軒蓋侶非
復俗人心

送鄭大夫惟忠從公主入蕃

鳳吹遙將斷龍旗送欲還傾都邀節使傳酌緩
離顏春磧沙連海秋城月對闕和戎應賞魏定
遠莫辭班

同和人送充公赴荊州

疇昔同聲友騫飛出鳳池風雲一蕩薄日月屢
參差此別黃葉下前期安可知惟憐楚南樹不
爲歲寒移

送崔二張史日知赴潞州

東山懷卧理南省悵悲翁共見前途促何如後
會同莫輕一筵宴明日半成空只爾離亭闕思
同迓夢中

送高唐州

常時好閑獨朋舊少相過及爾宣風去方嗟別
日多淮流春婉婉汝海路蹉跎百歲屢分散歡
言復幾何

送王駿自羽林赴永昌令

將星移北洛神雨避東京爲負剛腸譽還追強

項名白雲向伊闕黃葉散昆明多謝絃歌宰稀
聞桴鼓聲

同王僕射山亭餞岑廣武職得言字

聞道長岑令奮翼宰門長安東陌上送客蒲
朱軒琴爵留佳境山池借好園茲游恨不見別
後綴離言

送任御史江南發糧以賑河北百姓

河朔人無歲荆南義廩開將興泛舟役必仗濟
川才花月臨江浦春雲歷楚臺調飢坐相望繡
服幾時迴

送王尚一嚴嶷二侍御赴司馬都督軍
漢掖通沙塞邊兵護草腓將行司馬令助以鐵
冠威白露鷹初下黃塵騎欲飛明年春酒熟留
酌二星歸

送李門政河北簡兵

斗酒胎朋愛踟躕出御溝依然四牡別更想八
龍遊密親仕燕冀連年邇冠讐因君閱河朔垂
淚語幽州

送薛植入京

蘇州亦云窓裏人
將老門前樹已秋

青組言從安鴻都忽見求款言人向老飲別歲

方秋髣髴長安陌平生是舊游何時復相遇死
在水中流

相州前池別許鄭二判官景先神力

數步圓塘水震鴻戢羽儀一飛喬木上一返故
林垂淡泊含秋景虛明抱夜規無因留絕翰雲
海意差池

岳州宴別潭州玉熊二首

絲管清且哀一曲傾一杯氣將然諾重心向友
朋開古木無生意寒雲若死灰贈君芳杜草爲
植建章臺

縉雲連省閣，清水遽西東。然諾心猶在，榮華歲不同。
孤城臨楚塞，遠樹入秦宮。誰念三千里，江潭一老翁。

廣州蕭都督入朝過岳州宴餞二首

孤城抱大江，節使往朝宗。果是臺中舊，依然水上逢。
京華遥比日，疲老颯如冬。竊羨能言鳥，啣恩向九重。

若昌黎賦二鳥之意

婚禮知無賀，承家嘆有輝。親迎驥子躍，吉兆鳳雛飛。
溫席開華扇，梁門換聚衣。遥思桃李日，應賦採蘋歸。

嶺南送使一首

秋鴈逢春返，流人何日歸。將余去國淚，灑子入鄉衣。
飢狖啼相聚，愁猿喘更飛。南中不可問，書此示京畿。

奉和同皇太子過荷恩寺二首應制

翼翼宸恩永，煌煌福地開。離光升寶殿，宸氣繞香臺。
上界幡花合，中天日月來。願君無量壽，仙藻屢徘徊。

朗朗神居峻，軒軒瑞象威。聖君成願果，太子拂天衣。
至樂三靈會，深仁四皓歸。還聞澗水曲，更

繞白雲飛

張燕公集卷第一終

張燕公集卷第一終

